

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i člana 25. Statuta Grada Tuzle („Službeni glasnik Grada Tuzla“, broj 6/21), u skladu sa odredbama člana 39. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Tuzlanskog kantona“, br. 5/12, 7/14, 11/15, 13/16, 4/18, 12/20, 22/21, 5/22, 8/22, 10/22 i 14/22), Gradsko vijeće Grada Tuzle, na sjednici od 29.8.2024. godine donosi:

P R A V I L N I K

o izmjenama i dopunama Pravilnika o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle

Član 1.

U Pravilniku o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle („Službeni glasnik Grada Tuzla“, broj 15/22, 1/24 i 6/24), u članu 14. stav (3), iza tačke a) dodaje se tačka b) koja glasi:

„b) u slučaju iznenadnog teškog oboljenja djeteta ili mlade osobe starosti do 30 godina, koje se nalazi na listi teških oboljenja propisanih Naredbom o listi teških bolesti odnosno teških tjelesnih povreda, a koje zahtijeva dugotrajno i skupo liječenje, 2.000,00 KM.“

Tačka b) postaje tačka c).

Član 2.

(1) U članu 15., stav (1), iza riječi: „novčanu pomoć“ dodaju se riječi: „iz člana 14. stav (3), tačke a) i c),“.

(2) Iza stava (1) dodaje se stav (2), koji glasi:

„(2) Pravo na interventnu socijalnu jednokratnu novčanu pomoć iz člana 14. stav (3), tačka b), imaju lica koja imaju stalno prebivalište na području grada Tuzle čiji ukupan prihod po članu porodičnog domaćinstva mjesečno ne prelazi visinu prosječne neto plaće ostvarene u Federaciji Bosne i Hercegovine za prethodnu godinu, prema posljednjem objavljenom zvaničnom podatku.“

(3) Stavovi (2) i (3) postaju stavovi (3) i (4).

Član 3.

U članu 16., stav (2), tačke a) i b) se brišu a dodaju se tačke a), b) i c) koje glase:

„ a) za interventnu socijalnu jednokratnu novčanu pomoć iz člana 14. stav (3), tačka a) - fotokopiju medicinske dokumentacije, ne starije od tri (3) mjeseca od dana podnošenja zahtjeva, kojom dokazuje nastanak teškog oboljenja kod podnosioca zahtjeva ili članova zajedničkog porodičnog domaćinstva a koje se nalazi na listi teških oboljenja propisanih Naredbom o listi teških bolesti odnosno teških tjelesnih povreda;

b) za interventnu socijalnu jednokratnu novčanu pomoć iz člana 14. stav (3), tačka b) - fotokopiju medicinske dokumentacije, ne starije od tri (3) mjeseca od dana podnošenja zahtjeva, kojom dokazuje nastanak teškog oboljenja kod podnosioca zahtjeva ili člana zajedničkog porodičnog domaćinstva a koje se nalazi na listi teških oboljenja propisanih Naredbom o listi teških bolesti odnosno teških tjelesnih povreda i koje zahtijeva dugotrajno i skupo liječenje

c) za interventnu socijalnu jednokratnu novčanu pomoć iz člana 14. stav (3), tačka c) - fotokopiju uvjerenja nadležnih institucija o nastanku štete usljed djelovanja prirodnih nepogoda (poplava, klizište, požar i sl.) kojim se dokazuje da djelovanje prirodne nepogode nije nastalo u periodu dužem od tri (3) mjeseca od dana podnošenja zahtjeva.“

Član 4.

Ostale odredbe Pravilnika ostaju na snazi.

Član 5.

Ovaj Pravilnik stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA
Gradsko vijeće
Broj: 01/31-A-13443-2024
Tuzla, 29. august 2024. godine



PREDSJEDAVAJUĆA

Nataša Perić, prof.